

7. gr.

Bæjarstjórn er heimilt að láta eyða ómerktum köttum, enda hafi framkvæmdin verið auglýst með áberandi hætti með a.m.k. sjö sólarhringa fyrirvara.

8. gr.

Sé kvartað undan ágangi katta í íbúðarhverfum er meindýraeyði heimilt að veiða í búr og eyða ómerktum flækingsköttum án þess að það sé auglýst sérstaklega.

9. gr.

Með brot á samþykktum þessum skal fara samkvæmt ákvæðum laga nr. 7/1998 um hollustuhætti og mengunarvarnir með síðari breytingum.

10. gr.

Ofangreind samþykkt bæjarstjórnar Fjarðabyggðar staðfestist hér með samkvæmt 25. gr. laga nr. 7/1998 um hollustuhætti og mengunarvarnir, með síðari breytingum, til þess að öðlast gildi þegar við birtingu. Um leið falla úr gildi samþykkt um kattahald í Neskaupstað frá 14. nóvember 1996, samþykkt um hunda- og kattahald í Eskifjarðarkaupstað frá 19. desember 1994 og samþykkt um hunda- og kattahald á Reyðarfirði frá 11. apríl 1994.

Ákvæði til bráðabirgða.

Þeir sem nú halda ketti, en hafa ekki leyfi fyrir þeim skulu sækja um undanþágu frá banni samkvæmt 1. gr. fyrir 1. ágúst 2000.

Umhverfissráðuneytinu, 6. apríl 2000.

F. h. r.

Ingimar Sigurðsson.

Sigríður Stefánsdóttir.

REGLUR

um slysavarnir í höfnum.

1. gr.

Við hönnun og endurbætur hafnarmannvirkja skal gert ráð fyrir uppsetningu öryggisbúnaðar og að mannvirki séu almennt þannig hönnuð, að þeim sem um hafnir fara sé sem minnst hættu búin og skal við ákvörðunina gætt að lágmarki ákvæða reglna þessara. Eldri mannvirki skulu sérstaklega yfirfarin og þau færð til þess vegar sem reglur þessar segja til um á gildistíma hafnaáætlunar árána 2001-2004.

2. gr.

Allar bryggjur skulu búnar vel færur stigum. Þeir skulu ná 1,5 m niður fyrir stórstraumsfjöruborð, vera með auðveldri uppgöngu yfir bryggjukant og málaðir með rauðgulri endurskinsmálningu. Ljós skal vera efst í hverjum stiga, nema á flotbryggjum. Lýsingu á bryggjum skal hagað þannig að stigarnir sjáist greinilega. Á flotbryggjum skulu stigarnir ná 1,0 m niður fyrir sjávarborð.

Til viðmiðunar er hér sett sú vísiregla, að hámarksbil milli stiga á nýjum bryggjum sé 15 m. Stigana skal staðsetja eins og heppilegast er talið með tilliti til öryggis. Á flotbryggjum skal vera einn stigi á viðlegubás, en bil milli stiga þó ekki yfir 8 m.

3. gr.

Á hverju aðskildu hafnarsvæði, en þá er átt við að fjarlægð til næstu viðlegu sé meiri en 200 m mælt eftir eðlilegri gönguleið, skulu vera a.m.k. tveir bjarghringir, tveir krókstjakar a.m.k. 6 m langir og tvö björgunarnet. Stjakarnir skulu málaðir rauðgulri endurskinsmálningu.

Björgunartæki þessi skulu geymd á greinilega merktum, aðgengilegum og upplýstum stöðum.

4. gr.

Á hafnarsvæðum skal lýsingu þannig háttáð að vinnu- og umferðaröryggi sé í hámarki. Lýsing á virkum vinnusvæðum t.d. þar sem ferming og afferming fer fram skal vera með lágmarksljósstyrk 20 lux að meðaltali. Lýsing á öðrum vinnusvæðum, t. d. gámasvæðum skal vera með lágmarksljósstyrk 10 lux að meðaltali og ljósstyrkur öryggislýsingar annars staðar á hafnarsvæðinu skal vera 5 lux að meðaltali.

Lýsingu skal mæla þar sem vinna fer fram í þeim fleti (lárétt eða lóðrétt) sem unnið er á.

Ef einstök tilvik krefjast meiri lýsingar en fastir ljósgjafar veita má notast við tíma- bundna viðbótarlýsingu, t. d. frá skipum.

Ljósum skal þannig fyrirkomið að lýsing trufli ekki sjófarendur.

5. gr.

Á hverju hafnarsvæði skal vera a.m.k. einn bjölluskápur tengdur lögreglu/slökkviliði/ hafnarskrifstofu eða öðrum þeim aðila, sem kveðja má til ef slys ber að höndum. Við bjölluskápur skal vera blátt leiðbeiningarljós og merking líkt og á brunaboða.

6. gr.

Á hafnarsvæðum þar sem akfært er að sjó og fyrir verða bryggjur þar sem dýpi verður meira en 1,5 m á flóði eða brattir kantar skulu gerðir minnst 20 cm háir kantbitar svo öflugir að þeir láti ekki undan ákeyrslu.

Bryggjukantarnir skulu málaðir í áberandi ljósgulum lit.

7. gr.

Allur öryggisbúnaður hafna skal merktur með samræmdum hætti, þannig skulu bryggjukantar vera málaðir í ljósgulum lit (sítónugult), stigar í rauðgulum lit (appelsínugult). Hindranir skulu málaðar með svörtum og gulum röndum.

Málningin skal vera endurskinsmálning. Endurskinsmerki, sem sett eru upp til frekara öryggis beri sama lit, nema á svörtum flötum skulu vera blá merki.

8. gr.

Löndunarkranar og hafnakranar skulu vera skráðir lögum samkvæmt og skal um búnað þeirra og notkun fara eftir fyrirmælum Vinnueftirlits ríkisins.

9. gr.

Umferð um hafnarsvæði skal skipulögð þannig að sem minnst slyshætta stafi af henni fyrir þá sem þar vinna. Ökuleiðir skulu vera nægjanlega breiðar og greiðfærar og gönguleiðir yfir þær greinilega merktar.

Við op og gryfjur sem eru dýpri en 50 cm skal vera 100 cm hátt handrið með hnélista í 50 cm hæð.

Vörur skal ekki geyma á hafnarbakka nær brún sjávarmegin en 2 metra.

10. gr.

Hafnarstjórn ber skylda til að sjá um að starfsmenn hennar hafi hlotið lágmarksþjálfun í notkun þeirra björgunar- og öryggistækja sem eru á hafnarsvæðinu.

Hafnarstjórn skal skipuleggja innra eftirlit með öllum þáttum þessara reglna. Tíðni innra eftirlits skal vera nægilegt miðað við aðstæður og skipulagt í samráði við Siglingastofnun Íslands. Starfsmenn Siglingastofnunar skulu sannreyna virkni innra eftirlits hverrar hafnar einu sinni á ári eða oftár ef þörf þykir.

11. gr.

Reglur þessar, sem settar eru með heimild í 3. mgr. 19. gr. reglugerðar um hafnamál nr. 232/1996, staðfestast hér með til að öðlast þegar gildi.

Samgönguráðuneytinu, 31. mars 2000.

Sturla Böðvarsson.

Jóhann Guðmundsson.

REGLUR

fyrir samvinnunefnd um svæðisskipulag í Austur-Húnavatnssýslu.

1. gr.

Samvinnunefnd um svæðisskipulag í eftirtöldum 10 sveitarfélögum: Ás-, Sveinsstaða-, Torfalækjar-, Svínavatns-, Bólstaðarhlíðar-, Engihlíðar-, Vindhælis-, Höfða- og Skagahreppum auk Blönduósbæjar, hér eftir nefnd samvinnunefnd um svæðisskipulag í Austur-Húnavatnssýslu, er svo skipuð að í henni eiga sæti 21 fulltrúi. Hver sveitarstjórn skipar tvo fulltrúa ásamt varamönnum. Skipulagsstofnun tilnefnir fulltrúa sinn til þess að starfa með nefndinni með fullum réttindum annarra nefndarmanna öðrum en atkvæðisrétti. Formaður skal skipaður úr röðum nefndarmanna.

2. gr.

Hlutverk samvinnunefndar er að vinna að svæðisskipulagi fyrir umrædd sveitarfélög og leggja fram tillögu þar um, sbr. 12. og 13. gr. skipulags- og byggingarlaga nr. 73/1997 og 4. kafla skipulagsreglugerðar nr. 400/1998. Um ágreining um hlutverk nefndarinnar fer eftir 8. gr. skipulags- og byggingarlaga nr. 73/1997.

3. gr.

Fundi samvinnunefndar skal halda eigi sjaldnar en tvisvar á ári. Formaður boðar til fundanna með a.m.k. 7 daga fyrirvara og ákveður fundarstað.

Fundur er lögmætur ef formaður/varaformaður og helmingur annarra nefndarmanna er viðstaddur. Afl atkvæða ræður úrslitum. Þó getur nefndin ekki ályktað um mál sem varða sérstaklega hagsmuni eins sveitarfélags að fulltrúum þess fjarstöddum.

Nefndin kýs sér ritara og vararitara. Viðstaddir nefndarmenn og ritari skulu undirrita fundargerð í fundarlok eða á næsta fundi þar á eftir. Sá fundarmaður sem andvígur er ákvörðun meirihlutans á rétt á að fá sérálit sitt bókað.

Sendi skal fundargerðir samvinnunefndarinnar, sveitarstjórnnum, Skipulagsstofnun og umhverfisráðuneyti.